

Bunun tu is-aang sin Bunun tu mangan

“Hubiaz! hubiaz! minkailasain i tasbanin isuu lai’lai...”, tushaitdaingaz a cina luklas mas zaku, pacing huza amin ilumah tu asu, cinsu a asu tunghabin sian pissapuzan danungbahis lukis tu sisila, makas-aang a saikin tu sian “Malistapan”, itu sian Bunun manahtainga tu lus-anan.

tindung tindung....

Maszang a sinsi mas itu sisiu sinpatas sasaipuk sidi tu, isian inaan tan-iku mapulumah zami, uka kaungan. Anpasdu inaak kazimaun tu kan-anak sadu mas patasan, aupa mahtu sadu mas anak-anak kazimaun tu patasan, tasban laupaku hai na-asa sian taunghuvali minauni hai pal-uvaiv is-lunghuan tu sinkuzakuza, namahtu mapasimul ku patasan. Siza saikin sinsi sinpasahal tu patasan “itu Bunun tu mamangan tu hahanup tu bunun”, kitngap saikin matataisah tu maupamaup.

Ta-aza sinsi tupa “kaupaka isnanavan tu paliskadaan, adasav a imu aluszangan kusian madaing tu ua-ampukan tu lumah cia, sangnin hai na aiza inam is-u-anpu-kun, mananuluik sindupa.” cisha saikin minmak-av, ka makas-aang sai-kin tu ingadah saikin sian mas ahil cia, mapakaliva a inak iliskinan, “ua~~” tasbanin hangsia inak sinkuzakuza, suhaisunku tanangaus a ahil, haitu isianang ainaak is-aang sian ahil cia. Makilansan saikin paliskadan tu sinluklas, maszan saikin tu kusian libus tu nahanup, sia makitutudul tu aluszangan hai maszang mas matataisah, hadang aizaan mas

masial tu taisah, aupa mazima haha-nu tu Bunun. Mililiskin saikin, san-suma dasa hazam kusbai sian inaak tanangaus, maszang mas kusian mas libus nahanup tu napisha-iapan tu maaz, miliskin saikin tuadu nii aip masial a sinkuzakuza ? adu latabanin inaak sin-iliskin, asinum haip... uung hangsia ! aiphai nasikiing mas palinutiu, ungat ? sangan hazam hai tahu mas zaku, katumaupacia, kazimaunku tu hazam !

“nasiknul saikin mas namasipul tu isnavaan, namatumbak a saikin hai, ” tupa a sinsi. sadu saikin kaupaka isnanavan tu dahis, maszang mas minaun mas mapais, hadang tu niitu zaku ...“ isnanavan Hubiaz ”. lalaun saikin mas sinsi tu, sadu saikin sinsi sintumbak tu patasan, maszang cinnungsi a iskuzakuza, miliskin saikin tu : “zaku ? zaku ? ”. Sadu saikin idaingalan tu isnanavan, maszang saikin halavan mas cici tu isnaskalan, makamin mahahainan, kilkil-lun mahainan, tудиipin saikin mahansiap tu, sia aidiip tu hazam sintupa mas zaku maupa tan tu sinkuzakuza.

Idadaza saikin tanangaus cia, maszang mas mininhalang tu bunun : “kaupaka sinsi siin aluszangan, mihumisang, aip hai ...”, maszang inak tu sinliskin, matiduldul sian tanangaus, “nitu kua, mais muhnin hai, na-asa tu mapisial hai! ” maszang dihanin tinsi tu halinga, sansinghal sian madumdumman, maupa cia saikin aip hanian, minkaz-aav daingaz saikin, maisisian mas gaku, sausian mas lumah.